

松陰吉田先生著

重印

# 東北遊日記二冊

松下村塾藏



## 東北遊日記

有志之士。時平則讀書學道。論經國之大計。議古今之得失。一旦變起。則從戎馬之間。料敵締交。建長策而利國家。是平生之志也。然而茫乎天下之形勢。何以得之。余客歲遊鎮西。今春抵東武。畧跋涉畿內。山陽。西海。東海。而東山。北陸。土曠山峻。自古英雄割據焉。奸兇巢穴焉。且東連滿洲。北隣鄂羅。是最經國大計之所關。而宜觀古今得失者也。而余未經其地。深以為恨矣。頃肥人官部鼎臧。謀東北遊于余。余喜而諾之。

之制。共以四公民六率之。有以月賜廩米者。是謂扶持方切米。一人扶持米四苞。々容四斗五升。有以五月十月賜廩米者。是謂倉米。稱禄以貫。々五斗苞十箇。軍賦百貫三人。郡村管轄。每村肝煎一人。間有村大而一村置二人。村小而二村管一人者。肝煎下置組頭三四人。集三十許村。置大肝煎一人。有郡奉行。仙臺六十萬石。分為奧四十萬石。南二十萬石。奧置三人。南置一人。巡郡歲二次。春視苗。秋視稻。奉行下有代官。々々下有村役人。民一戸。禁田過五貫文。以防兼并之害也。

廿一日。翳。辞吉岡家。訪桑原隆朝。至國分入江。訪大槻田邊森本于養賢堂。山本于醫學館。皆告別而去。申時發仙臺。行里許。渡廣瀬川橋。為長町。國分町至此。市廛倚疊。不暫斷。過町則大道平直。左右平田。渡名取川橋。宿中田。行程一里二十町。

廿二日。晴。發驛。經增田。七千石。大内。岩沼。槻木。至舟迫。仙臺以南。沃野漫漫。而至舟迫。左右山勢稍迫。阿不熊川流其傍。越小坂二三。而出大川原。地勢稍濶。道左有城址。宮内某所居云。過川田宮道。逢弥八。々々斬奸之策定。欲必逢吾輩。以廿日朝發塩竈。至仙